

四庫全書

子部

欽定四庫全書

子部

類證普濟本事方卷五

六

詳校官太醫院恩糧臣孔毓秀

編修臣倉聖脈覆勘

總校官編修臣朱 鈐

校對官中書臣李 鎔

膳錄監生臣汪兆鯤

欽定四庫全書

類證普濟本事方卷五

宋 許叔微 撰

腸風下血痔漏臟毒

治腸風瀉久不止

玉屑散

槐根白皮

去粗皮

苦楝根

去皮各三兩

椿根白皮

四兩三味於九月後二月

前取軟者日乾

天南星

半夏

各半兩並生

葳靈仙

一兩

寒食麵

三兩

右為末滴水丸如梧子大乾之每服三十丸水八分

一盞煎沸下九子煮令浮以匙抄起溫溫送下不嚼空心食前服

頃年有一人下血幾盃頓然瘦繭諸藥皆不效予曰此正腸風令服玉屑丸三服止予苦疾三十年蓄下血藥方近五十餘品其間或驗或否或始驗而又不應者或初不效棄之再服有驗者未易立談大抵此病品類不同對病則易愈如下清血色鮮者腸風也血濁而色黯者臟毒也肛門射如血線者蟲痔也亦

有一種下部虛陽氣不升血隨氣而降者仲景云脉弦而大弦則為減大則為亢減則為寒亢則為虛寒虛相搏此名為革婦人則半產漏下男子則亡血失精此下部虛而下此者也若得革脉却宜服溫補藥蟲痔宜薰千金用蝟皮艾者佳予嘗作頗得力

治臟毒

蒜連圓

鷹爪黃連末用獨蒜頭一個煨香爛熟研和入白治



熟如梧子大每服三四十丸陳米飲下

治腸風臟毒

槐花散

槐花

炒

柏葉

爛

杵

荊芥穗

枳殼

右修事了方秤等分細末用清米飲調下二錢空心食前服

巢氏病源論腸癖為痔久困飽食過度房室勞損血氣
流溢滲入大腸衝發於下時便清血腹中賴痛病名
痔又論脾毒腸風本緣榮衛虛弱風氣進襲因熱乘之

使血氣流散積熱壅遏血滲腸間故大便下血

椿皮圓

臭椿花

四兩刮去粗皮焙乾

蒼朮

枳殼

各二兩

右細末醋糊丸如梧子空心食前來飲下三四十丸
治腸痔在腹內有鼠乳下血方

白蕪荑

貫衆

狼牙根

椿東引根

白槐東引皮

根白蝟皮

炙焦各一分

雄黃

白鱉頭

一個炙焦

右細末臘月猪脂和一九彈子大綿裹內下部日三易

治痔有鼠乳結核作渴疼痛方

皂角炙 黃芪 荊芥 槐子 穿山甲 木香 露

蜂房炒 蝟皮 鱉甲醋 桔梗 芍藥各一分 大黃半兩

右細末煉蜜丸如梧子大每服二三十九溫湯下食
前日三服未知加至四五十丸

治遠年腸風痔漏

黃芪圓

黃芪 枳殼 葳靈仙各二兩 續斷炒 槐角子 枯

礬 當歸炒 乾薑 附子 生地黄 連翹炒各半兩

右細末煉蜜凡如梧子大米飲下三十圓晁推官方

治腸痔

驚甲散

驚甲

蝟皮

炙黑焦

穿山甲

炙焦

白礬

枯

附子

猪牙

皂

各半兩炙焦存性二分

麝香

一分研

右細末研勻蒸餅凡如梧子大米飲下二十九食前

日三服

人方

槐花

炒

白礬

枯各一兩

附子

半兩

右細末蒸餅丸如梧子大每服二十九米飲下食前日三服以上二方龐老傳

衄血吐血咯血方

治衄血無時

茜梅圓

茜草根

艾葉

各一兩

烏梅肉

焙乾半兩

右細末煉蜜丸如梧子大烏梅湯下三十丸

經云天暑地熱經水沸溢蓋血妄行陽勝陰也鞠運

若茂之膏苦此疾予授此方令服後愈三黃散亦可

三黃散

大黃 黃連

黃芩

各半兩

右細末每服二錢新水調下蜜水亦可

又方

山梔子不拘多少燒存性末之搗入鼻中立愈

蔡子渥傳云同官無錫監酒趙無疵其兄衄血甚已死入殮血尚未止偶有一道人過門聞其家哭詢問其由道人云是曾服丹或燒煉藥予有藥用之即活囊中出此藥半錢吹入鼻中立止良久得活并傳此方

治鼻衄過多昏冒欲死

梅師方

右用香墨研濃點入鼻中

潤肺安血止嗽治吐血咯血

天門冬圓

天門冬

兩

甘草

杏仁

貝母

白茯苓

阿膠

各半兩

右細末煉蜜丸如彈子嚥津含化日夜服十九不拘時候因嗽咯血成勞眼睛疼四肢倦脚無力

黃芪散

黃芪

麥冬

熟地

桔梗

各半兩

甘草

一分

白芍藥

半兩

右粗末每服四錢水一盞半薑三片煎七分溫服日三服治久嗽咯血成肺痿多吐白涎胸膈滿悶不食

扁豆散

白扁豆

生薑

各半兩

枇杷葉

去毛

半夏

人參

白

朮

各一分

白茅根

三分

右細剉水三升煎至一升去滓下栝榔末一錢和勻

分四服不拘時候

治勞瘵吐血損肺及血妄行

神傳膏

剪草一觔婺台州皆有惟婺州者可用狀如茜草又

如細辛每用一觔淨洗為末入生蜜一觔和為膏以
器盛之不得犯鉄凡蒸九晒日一蒸晒病人五更起
而東坐不得語用匙抄藥如粥服每服四匙良久用
稀粟米飲壓之藥冷服粥飲亦不可大熱或吐或下
皆不妨如久病肺損咯血只一服愈尋常咳嗽血妄
行每服一匙可也有一貴人其國封病瘵其尊人嘗
以此方畀之凡日而藥成前一日病者夢人戒令翌
日勿令服藥次日將服之為屋土墜器中不可服再

合既成又將服為猫覆器又不得食又再作未就而
是人卒矣此藥之異如此若小血妄行一啜而愈或
云是陸農師夫人鄉人艾字先嘗親說此事渠後作
大觀本草亦收入集中但人苦未識不信耳

眼目頭面口齒鼻舌唇耳諸疾

鎮肝明目

羊肝圖

羯羊肝

一具新瓦盆中焙乾更
焙之肝若大止用一半

甘菊花

羌活

柏子

仁 細辛 官桂 白朮 五味子 各半 黃連 三分

右細末煉蜜丸如梧子大空心食前溫水下三四十

丸

又方

白羯羊肝

只川子肝一片薄切新瓦上焙乾

熟地黃

一兩半

兔絲子

澤瀉

地膚子

去殼

防風

黃芩

白茯苓

五味

子 枸杞子

羌蔚子

杏仁

大者炒

細辛

華陰者佳

苦葶藶 桂心

麥箱子

各一兩

右細末煉蜜丸如梧子大每服三四十丸溫水下日
三服不拘時候

張臺卿嘗苦目暗京師醫者令灸肝愈遂轉不見物
因得此方服之遂明有一男子內障醫治無效因以
餘劑遺之一夕燈下語其家人曰適偶有所見如隔
門縫見火者及旦視之眼中翳膜且裂如線張云此
藥靈勿妄與人忽之則無驗予臨之且欲廣其傳也

又方

羌活 川芎 旋覆花 防風 各半兩 甘草 蒼朮

泔浸一夕去皮 楮葉 桑皮 並八月採陰乾
日乾不見火 楮葉 桑皮 秤以上各一兩

甘菊花 楮寔 蟬退 木賊 各一分

右末臼中治為末茶清調下二錢早晚食後臨臥各
一服暴赤眼亦治赤眼忌溫麪及酒楮葉須真無寔
者餘不堪否則諸藥悉無效合時不得焙及犯鉄器
子觀此方取楮葉必無寔者蓋陰陽二物相配匹耳
有寔者陽也無寔取葉者陰也所以不得真諸藥悉

無效

治肝腎風毒熱氣上衝眼痛

菊花散

甘菊花 牛蒡子

炒熟各八兩

防風

三兩 白蒺藜

去刺一兩

甘草

一兩半

以上細末每服二錢熟水調下食後臨臥

素問云久視傷血血主肝故勤書則傷肝主目昏肝傷則自生風熱氣上湊目其昏亦甚不可專服補藥須服益血鎮肝明目藥

地黃圓

熟地黃

一兩半

黃連

決明子

各一兩

沒藥

甘菊花

防風

羌活

桂心

光明硃砂

各半兩

右細末煉蜜丸如梧子大每服三十丸熟水下食後

日三服

讀書之苦傷肝損目誠然晉范甯嘗苦目痛就張湛
求方湛戲之曰古方宋陽子少得其術以授魯東門
伯次授左丘明遂世世相傳以及漢杜子貢晉左太

冲凡此諸賢並有目疾得此方云用損讀書一減思慮二專內視三簡外觀四旦起晚五夜早眠六凡六物熬以神火下以氣簇蘊於胸中七日然後納諸方寸修之一時近能數其目眈遠視尺筭之餘長服不已動見牆壁之外非止明目並可延年審如是而行之不可謂之嘲戲亦竒方也

治頭風冷淚龐安常二方

甘菊花

決明子

各三白朮

羌活

川芎

細辛 白芷 荊芥穗各半

兩

右細末每服一錢滾湯調下食後日三服

又方

川芎 甘菊 細辛 白朮 白芷各一

分

右細末臈丸如黍米大夜臥納一丸目中一時展換

一丸

荀牧仲頃年嘗謂予曰有人視一物為兩醫者作肝氣有餘故見一為二教服補肝藥皆不驗此何疾也

予曰孫真人云目之系上屬於腦後出於腦中邪中於頸因逢身之虛其入深則隨目系於腦入於腦則轉轉則目系急急則目眩以轉邪中其睛所中者不相比則睛散睛散則岐故見兩物也令服驅風入腦藥得愈

王檢正希臯昔患鼻額間痛或麻痺不仁如是者數年忽一日連口唇頰車髮際皆痛不可忍口難言飲食相妨左額與頰上常如糊急手觸之則痛予作足陽明經絡受風毒

傳入經絡血凝滯不行故有此證或者以排風小續命透水丹之類與之皆不效予製犀角升麻湯贈之服數日而愈

犀角升麻湯

上等犀角

一兩一分

真川升麻

一兩一分

羌活

各三分

川芎

白附子

甘草

一分 白芷

黃芩

各半兩

右粗末每服四大錢水一盞半煎至八分去滓通口服食後臨卧日三四服

足陽胃也經云腸胃為市又云陽明多血多氣胃之

中腥羶五味無所不納如市塵無所不有也六經之
中血氣俱多腐熟飲食故食之毒聚於胃故此方以
犀角為主解飲食之毒也陽明經絡環唇挾口起於
鼻交頰中循頰車上耳前過客主人循髮際至額顙
故王公所患皆此一經絡也故以升麻佐之餘藥皆
滌除風熱升麻黃芩專入胃經稍通鑿者自能曉也
治鼻塞清涕出腦冷所致

通草

辛夷

各半兩

細辛

甘遂

桂心

芎藭

附子

各一兩

右細末蜜凡綿裹納鼻中塞密封勿令泄氣凡如大
麻子稍加微覺小痛擣姜為凡即愈

此千金方也治腦冷所致此疾亦有腦熱者亦有肺
寒者素問云膽移熱於腦則辛額鼻淵又曰泣涕者
腦也腦滲為涕又曰肺之液為涕其來各有自矣當
審詳之鼻淵者濁涕下不止清濁亦自異

治肺風鼻赤瘡

老山梔為末溶黃蠟等分和為丸彈子大空心茶酒
嚼下半月效忌酒炙燂

又方

右用枇杷葉去毛焙乾末之茶調下一二錢日三服
治心脾壅熱生木舌腫脹

玄參 升麻 大黃

犀角

各三分

甘草

半兩

右細末每服三錢水一盞煎至五分溫服不拘時候

治口生瘡方

升麻

一兩一分 黃連 三分

右細末綿裏含汁咽

治諸魚骨鯁久不出

右以皂角末少許吹入鼻中得鯁出多秘此方

治懸癰腫痛不下食

玄參散

玄參

一兩 升麻

射干

大黃末

各半兩

甘草

一分

右細末每服三錢水一盞煎七分放溫時時含嚥良驗

治聾耳出膿

紅綿散

白礬煨成白灰每用一錢入胭脂一匙研勻用棉杖
子瀝去耳中膿及黃水盡用別棉杖子引藥入耳中
令到底搽之即乾如壯盛之人積熱上攻耳出膿水
不差用無憂散雄黃九瀉三五行即差

治腎虛耳鳴夜間睡著如打戰鼓覺耳內風吹更四肢抽痛
黃芪圓

黃芪

獨莖者去蘆一兩

白蒺藜

炒瓦擦細揚去碎刺

羌活

去蘆各半兩

黑

附子

大者一個

羯羊腎

一對焙乾

右細末酒糊丸如梧子大每服三四十丸空心晚食前煨葱鹽湯下

治男子二十歲因瘡毒後腎經熱右耳聽事不真每心中不意則轉覺重虛鳴疼痛

地黃圓

生地黃

一兩半

桑白皮

一兩

磁石

搗碎水淘三二十次去盡赤汁為度二兩

枳殼 羌活 防風 黃芩 木通 甘草

各半兩

右粗末每服四錢水盞半煎七分日二三服不拘時候
治口乾煩躁生津液思食

黃芪湯

黃芪 熟地黃 白芍藥 五味子 麥門冬

各三

分白茯苓 分甘草 半兩

右粗末每服三錢水一盞半薑棗烏梅同煎去滓服
類證普濟本事方卷五

欽定四庫全書

類證普濟本事方卷六

宋 許叔微 撰

諸嗽虛汗消渴

治嗽杏酥飲

杏仁 款冬花 前胡 半夏製 五味子 麻黃

柴胡 桑白皮 人參 桔梗

各等分

右細末每服三錢水一盞半薑五片同煎七分通口服
戢陽氣止盜汗進飲食退經絡熱

欽定四庫全書

類證普濟本事方
卷六

柏子仁丸

新柏子仁

研

半夏麴

各二兩

牡礪

甘弱子內火煨用醋淬七次焙乾

人

參

麻黃根

漫火炙拭去汗

吳白朮

五味子

各一兩

淨麴

半兩火炒

右為末棗肉丸如梧子大空心米飲下三五十九日

服得效減一服好愈即住作散調亦可

治虛勞盜汗不止

牡礪散

牡礪

煨

麻黃根

黃蓍

各等分

右細末每服二錢水一盞煎至七分溫服

治風虛多汗惡風

防風湯

防風分五澤瀉 牡礪炒桂枝各三分

右細末每服二錢食後酒調下

又方

白朮 防風各一兩牡礪三分炒如粉

右細末酒調二錢服惡風加防風一倍氣加朮面腫加牡礪

治消渴方

浮石

船上青黛

各等分

麝香

少許

右細末每服一錢溫湯調下

治渴疾飲水不止

神效散

白浮石

蛤粉

蟬殼

各等分

右細末用鯽魚膽七箇調三錢服不拘時候神效古
方驗錄論消渴有三種一者渴而飲水多小便數脂

似麩片甜者消渴病也二者喫食多不甚渴小便少
似有油而數者消中病也三者渴飲水不能多便腿
腫脚先瘦小陰痿弱小便數此腎消病也特忌房勞
千金云消渴病所慎者有三一飲酒二房勞三鹹食
及麵能慎此須不服藥亦自可消渴之人愈與未愈
常須慮患大癰必於骨節間忽發癰疽而卒予親見
友人邵任道患渴數年果以癰疽而死唐祠部李郎
中論消渴者腎虛所致每發則小便甜鑿者多不知

其疾故古今亦缺而不言洪範言稼穡作甘以物理推之淋餽醋酒作脯法須臾即皆能甜也足明人食之後滋味皆甜流在膀胱若腰腎氣盛則上蒸精氣氣則下入骨髓其次以為脂膏其次以為血肉也其餘則為小便故小便色黃血之餘也臊氣者五臟之氣鹹潤者則下味也腰腎既虛冷則不能蒸於穀氣則盡下為小便故味甘不變其色清冷則肌膚枯槁也由如乳母穀氣上泄皆為乳汁消渴病者下泄為

小便皆精氣不實於內則小便數瘦弱也又肺為五臟華蓋若下有煖氣蒸則肺潤若下冷極則陽氣不能升故肺乾則渴易於否卦乾上坤下陽無陰而不降陰無陽而不升上下不交故成否也譬如釜中有水以火煖之其釜若以板覆之則煖氣上騰故板能潤也若無火力水氣則不能上此板終不得潤也火力者則是腰腎強盛也常須煖補腎氣飲食得火力則潤上而易消亦免乾渴也故張仲景云宜服腎氣

八味圓此疾與脚氣雖同為腎虛所致其脚氣始發於二三月盛於五六月衰於七八月凡消渴始發於七八月盛於十一月十二月衰於二三月其何故也夫脚氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈也審此二者疾可理也猶如善為政者寬以濟猛猛以濟寬隨事制度爾仲景云足太陽者是膀胱之經也膀胱者腎之府小便數此為氣盛氣盛則消穀大便硬衰

則為消渴也男子消渴飲一斗小便亦得一斗宜

八味腎氣圓

乾地黄

半
觔

山藥

四
兩

茯苓

牡丹皮

附子

桂心

各三
兩

澤瀉

四
兩

山茱萸

五
兩

右細末煉蜜圓如桐子大酒下二三十圓忌猪肉冷水
羌荑胡荽千金地黄圓亦佳在中部心熱中

治消渴三消圓

好黃連去鬚細末不計多少剉冬瓜肉研裂自然汁

和成餅子陰乾再為末再用汁浸和如七次即用冬
瓜汁為圓桐子大每服三四十圓以冬瓜汁煎大麥
仁湯送下尋常止一服

金瘡癰疽打撲諸瘡破傷風

治金瘡止血除陰疼痛辟風續筋骨生肌肉

地黃散

地黃苗 地菰 青蒿 蒼耳苗 生艾汁

三合

赤芍藥

各五兩入
水取汁

石灰三升

右五月五七月七午時以前藥汁拌石灰三升陰乾
入黃丹三兩更杵羅細凡有金瘡傷折出血用藥封
包不可動著十日差不腫不膿

斂金瘡口止疼痛

劉寄奴散

劉寄奴一味為末摻金瘡口裏

劉裕微時伐狄見大蛇長數丈射之明日復至聞杵臼聲
見青衣童子搗藥問其故曰我王為劉寄奴所射合藥傳

之帝曰何不殺之曰寄奴王者不死帝叱之皆散收藥而返遇金瘡傳之良驗此藥治湯火瘡至妙經驗方云劉寄奴為末先以糯米漿雞翎掃傷著處後摻藥末在上並不痛無痕大凡湯著急用鹽末摻之護肉不壞然後藥傳之治從高墮下墜損惡血在骨節間疼痛

芸薹散

荊芥 藕節

各二兩
陰乾

芸薹子

川芸消

馬齒莧

各一兩
陰乾

右細末用蘇枋本半兩酒一大盞煎七分調下二錢

治腕折傷筋損骨疼痛不可忍

生地黃

一觔切

藏瓜薑糟

一觔切

生薑

四兩切

右都炒令勻熟以布裹罨傷折處冷則易之

曾有人傷折宜用生龜尋捕一龜將殺患人忽夢見龜告言曰勿相害吾有奇方可療於夢中授此方

治打撲墜損惡血攻心悶亂疼痛

水仙散

未展荷葉陰乾一味為末食前以童子熱小便一小

盞調下三錢以利下惡物為度一方用大乾荷葉五片燒令烟盡細研作一服如上服之

長肉止痛生肌

檳榔散

檳榔 黃連 木香

各等分

右為末薄貼瘡上神效

治打撲傷損及一切癰腫未破令內消方

生地黄

研如泥

木香

細末

右以地黃膏隨腫大小攤於紙上摻木香末一層又再攤地黃貼腫上不過三五度即愈

元祐中宗人許元公納省試卷過興國寺橋值微雨地滑墜馬右臂白脫路中一人云急與接入白中血漬曰中最難治也僕者如其說神已昏已不覺痛也遂僦卧輶昇去至景德須臾親戚集議所鑿或云非錄事巷田馬騎不能了此疾急鞭馬召至則已日暮矣田秉燭視其面色云尚可治此疾料理費力先議

所耐方敢用藥此公去省試止旬日又是右臂正妨
作字今須作兩等商量如旬日內安痊如舊不妨就
試作一等價如至期未能就試則減數別作一等價
悉如其說遂用藥封其腫黯處云中夜方省達旦已
痛止矣翌日至悉去其封藥損處已白其闕血青黯
已移在臂白之上矣如是數日易之其腫黯直至肩
背於是用藥下之初黑血一二升三五日如舊臂亦
不痛遂得赴試可謂妙醫矣元公云若此外方遭此

厄微田生吾終作折臂鬼矣故知墮損手足白脫急須接入不爾終成蘆節也

宣和中有一國醫忽承快行宣押就一佛刹醫內人限目今便行鞭馬至則寂未有人須臾卧轎中扶下一內人又一快行送至奉旨取軍令狀限日下安痊醫診視之已昏死矣問其從人皆不知病之由惶恐無地矣良久有二三老內人至下轎環而泣之方得其實云因蹴鞦韆自空而下墜死醫者云打撲傷損

自屬外科欲申明又恐後時參差不測再視之微覺有氣忽憶藥篋中有蘇合香圓急取半兩於火上焙去腦麝用酒半升研化灌之至三更方呻吟五更下惡血數升調理數日得痊予謂正當下蘇合香圓蓋從高墜下必挾驚悸血氣錯亂此藥非特逐瘀血而又醒氣鑿偶用之遂見功此藥居家不可缺也氣厥鬼邪殛傳屍心痛時疾之類皆治良方載甚詳須自合為佳爾

王蘧發背方序云元祐三年夏四月官京師疽發於背召國醫治之逾月勢益甚得徐州蕭縣人張生以艾火加瘡上自旦及暮凡一百五十壯知痛乃已明日鐫去黑茄膿血盡潰膚理皆紅亦不復痛始別以藥附之一易馬易時旋剪去黑爛惡肉月許瘡乃平是歲秋夏間京師士大夫病疽者七人予獨生此雖司命事然固有料理不知其方遂至不幸者以人意論之可為慨然於是撰次前後所得良方摸版以

施庶幾古人濟衆之意紹聖三年三月日題

治諸般癰疽發背

柞木散

柞木葉

四兩乾

乾荷葉

金嬰根

萱草也

甘草節

地榆

各一兩

右同剉搗為煮散每服半兩水二碗煎至一碗分兩服早晚各一併滓再煎一服膿血者自乾未成者自

消忌飲食毒

斂瘡內消方

黃明膠一兩水半升消了入黃丹一兩再煮三五沸
又放溫冷以雞毛掃在瘡口上如未成即塗腫處自消
治癰疽上痛拔毒

七寶散

乾荷葉心當中如錢片不計多少為粗末每用三匙
水二碗慢火煎一碗半放溫淋洗揩乾以太白膏傅
沈遇明一方

荷葉一兩藁本半兩為末如前用

太白膏

寒水石水飛過用臘月猪脂調成膏隨瘡大小用薄紙攤貼之

國老膏

橫紋甘草一觔擘開搥碎用水一斗浸兩宿夏浸一宿按細夾絹濾清去滓入銀石器內慢火熬成膏分作三服每發以溫酒半升調下量年齒老少分作數服

令發背自潰

黃耆散

綿黃耆

細者洗
焙一兩

甘草

半兩

皂角針

揀紅紫
者剉麩

炒黃
一兩

右細末每服一大錢酒一盞乳香一塊煎至七分去

滓服

托裏排膿

生犀散

欽定四庫全書

皂角針

不計多少粗
大紫色者

右藏瓶中鹽泥固濟炭火燒過存性放冷出碾為細末每服一錢溫酒微調下暑月用陳米飲下

清心內固

黃耆圓

綿黃耆

人參
各半兩

右細末入真生龍腦一錢研細用生藕汁和圓菖豆大每服三十圓溫熱水下加至四十圓日三服

治一切瘡毒

內托散

萊豆粉

一兩
研細

通明乳香

一分
慢火於銀石器
中炒手指攪使乾可

搥急傾出在紙上用
扇扇令研令極細用

右同研勻凡一切惡瘡應係難名癰腫每用二錢至
三錢食後臨卧濃煎甘草湯調下如打撲及諸般肉
損用溫酒調下食後空心服些小即內消大指則敗
血從大便出矣

治發背癰疽方

車螯殼一兩箇泥固濟火煨為末芥蕪一枚燈心五十莖蜜一大匙用酒一升煎下三味微熱調末二大錢服不過二服止痛去毒

治癰疽已有瘡眼未出膿痛不可忍宜用此藥絰即膿出巴豆一個去皮膜不去心油鹽豉十四個口中含去皮令軟同研爛入真麝少許如難丸入少稀糊捏作餅子或如鼠糞尖或圓子臨時看瘡口絰之口以

紙撚子送入藥便不用紙撚子須臾必痛忍之良久
膿遂出

治發背方

草決明生用一升搗碎生甘草一兩亦碎水三升煮
取一升溫分二服大抵血滯則生瘡肝為宿血之藏
而決明和肝氣不損元氣也

治破傷風及打撲傷損

玉真散

天南星

湯洗七次

防風

各等分

右細末如破傷以藥敷貼瘡口然後以溫酒調下一錢如牙關緊急角弓反張用藥二錢童子小便調下或因關傷相打內有傷損之人以藥二錢溫湯調下打傷至死但心頭微溫以童子小便調下二錢并三服可救二人性命

類證普濟本事方卷六

欽定四庫全書

子部

類證普濟本事方卷

七八

詳校官太醫院恩糧_臣孔毓秀

編修_臣倉聖脈覆勘

總校官中書_臣朱 鈐

校對官中書_臣石鴻蓊

謄錄監生_臣張 濤

欽定四庫全書

類證普濟本事方卷七

宋 許叔微 撰

諸蟲飛尸鬼疰

制諸蟲方

白蕪荑

檳榔 各一兩

右細末蒸餅丸如桐子大每服十五丸至二十丸溫湯下

制諸蟲解勞悅澤肌膚去勞熱

檳榔

半兩

龍膽

兩

乾漆

半兩

右細末煉蜜丸如桐子大每服十九至十五丸熟水

吞下

治寸白蟲方

黑鉛灰炒四錢一服先喫猪肉脯少許隔一時即用
砂糖濃水半盞調灰五更服蟲盡下白粥將息一日
良方療寸白用錫沙蕪荑檳榔者極佳

予宣和中每覺心中多嘈雜意謂飲作又疑是蟲漫

依良方所說服翌日下蟲二條一長二尺五寸頭扁
濶尾尖銳每寸作一節班班如錦紋一條皆寸斷矣
千金謂勞則生熱熱則生蟲心蟲曰蛔蟬蟲寸白腎
蟲如寸截絲縷肝蟲如爛杏肺蟲如蠶五蟲皆能殺
人惟肺蟲為急肺蟲居肺葉之內蝕人肺系故成瘵
疾咯血斷嘶藥所不到治之為難有人說道藏諸蟲
皆頭向下行惟自初一至初五以前頭上行故用藥
者多取月朏以前蓋謂是也

治飛尸者游走皮膚穿臟腑每發刺痛變作無常遁尸者附骨入肉攻鑿血脈每發不可得近見尸喪聞哀哭便發風尸者淫濯四肢不知痛之所在每發昏沉得風雪便作沉尸者纏骨結臟衝心脇每發紋切遇寒冷便作注尸者舉身沉重精神錯雜常覺昏發每節氣致變輒成大惡皆宜用此方

忍冬葉剉數斛煮濃取汁煎之丸如雞子大一枚日三服太一精神丹蘇合香圓治此第一

因喪驚憂悲哀煩惱感尸氣而成諸變動不已似冷似熱風氣觸則發雄朱散

雄黃

硃砂

桔梗

羌活

當歸

升麻

川烏

龍齒

犀角

芍藥

鬼箭炒

白僵蠶炒

川芎

南星炮

山梔子

陳皮

木香

白朮

龍頸骨醋炙

紫蘇子

莽草

枳殼

檳榔二箇

黃芩以上各等分

麻黃

蜈蚣

二條
酒炙

乾蝎

炒一
分

右細末每服二錢酒調下日三服

頃在徽城日嘗修合神精丹一料庚申予家一婦人夢中見二蒼頭一在前一在後手中持一物前者云到也後者應云到也擊一下爆然有聲遂魘覺後心一點痛不可忍昏悶一時許予忽憶神精丹有此一證取三粒令服之遂至府過廳少頃歸已無病矣云服藥竟痛止神醒今如常矣日後相識稍有邪氣與

一二服無不應驗方在千金中治中風之要藥但近世少得青磁石為難合耳

人平居無苦疾忽如死人身不動搖默默不知人目閉不能問口啞不能言或微知人惡聞人聲但如眩冒移時方寤此由出汗過多血少氣併於血陽獨上而不下氣壅塞而不行故身如死氣過血還陰陽復通故移時方寤名曰鬱冒亦名血厥婦人多有之宜白薇湯倉公散

白薇

當歸

各一兩

人參

半兩

甘草

一分

右粗末每服五錢水二盞煎至一盞去滓溫服

倉公散

瓜蒂末

藜蘆

雄黃

礬石

炒

右各等分細末少許吹入鼻中

腹脇疼痛方

治男子兩脇疼痛

枳實散

右細末薑棗湯調下二錢酒亦可食前日三服

治脇肋下痛不美食

葛根湯

葛根

半兩

桔梗

防風

枳殼

白芍藥

甘草

訶子

川芎

白木

各一分

右粗末每服四錢水盞半薑棗同煎至七分溫服日四五

治悲哀煩惱傷肝氣至兩脇骨疼筋脈緊急腰脚重滯兩股
筋急兩脇牽痛四肢不能舉漸至脊脅攣急此藥大治脇痛

枳殼散

枳殼

細辛

桔梗

防風

川芎

各四兩

葛根

甘草

二兩

右粗末每服四錢水盪半薑三片煎至七分空心

溫服

治脇痛如前兼去手足枯悴

薏苡仁圓

薏苡仁

石斛

用細者三分

附子

半兩

牛膝

生地黃

各三分

細辛

人參

枳殼

栝子仁

川芎

當歸

各半兩

甘草

椒仁

各一分

右細末煉蜜丸如桐子大每服三四十丸酒吞下空心食前日三服丸子可以食前煮散可以食後相兼服為佳
治因驚傷肝脇骨裏疼痛不已

桂枝散

枳殼

一兩小者

桂枝

半兩

右細末每服二錢薑棗湯調下

治脇下疼痛不可忍兼治腳弱

芎藭湯

川芎

乾葛

桂枝

細辛

枳殼

人參

芍藥

麻黃

防風

各半兩

甘草

一分

右粗末每服五錢水二盞薑三片同煎至七分去滓
溫服日三服有汗避風

沈存中良方載頃在建康鑿者王琪言諸氣惟膀胱

氣脇下痛最難治謂神保圓能治之熙寧中病項筋
痛諸鑿皆作風治之數月不差乃流入背脅久之又
注右臂攣痛甚苦憶琪語有此一證乃合服之一服
而差再發又一服差神保圓具本方

治脇下風氣作塊寒疝發則連小腹痛湊心其積屬肝
在右脇下故病發則右邊手足頭面昏痛不思飲食止
頭冷

乾薑

一兩

麻黃

三分

側子

一箇

川芎

防風

枳實

芍藥

桂枝

羌活

甘草

當歸各四
兩

右粗末每服四錢水一盞半薑三片同煎至七分去滓通口服日三四服有汗避風

雜病

雄黃治瘡瘍尚矣周禮瘍醫凡療瘍以五毒攻之鄭康成注云合鑿方合五毒之藥用黃蠶置不膽丹砂雄黃礬石磁石其中燒之三日三夜其烟上者以雞羽取之

以注創惡肉破骨則盡出楊大年常等記其事族人楊
岵年少時有瘍生於頰連齒輔車外腫若覆甌內潰出
濃血不輒吐之痛楚難忍療之百方彌年不差人語之
依鄭法製藥成注之瘡中少頃朽骨連兩牙潰出遂愈
後更安寧信古方攻病之速也黃蜚即瓦合也

崔元亮海上方治一切心痛無問新久以生地黃一味
隨人所食多少搗取汁搜麴作餠飪或作冷淘良久當
利出蟲長一尺許頭似壁宮後不復患劉禹錫傳信方

貞元十年通事舍人崔抗女患心痛垂氣絕遂作地黃
冷淘食之便吐一物可方一寸以來如蝦蟇狀無目足
等微似有口蓋為此物所食自此頓愈麵中忌用鹽

唐峽州王及郎中充西路安撫使判官乘驛入駱谷及
宿有痔疾因此大作其狀如胡瓜貫於腸頭熱如澆灰
火至驛僵仆主驛吏云此病某亦患來須灸即差用柳
枝濃煎湯先洗瘡便以艾注灸其上連灸三五壯忽覺
一道熱氣入腸中因大轉瀉先血後穢一時至痛楚瀉

後遂失胡瓜登驪而馳

服桑枝法桑枝一小升細切炒香以水三大升煎取二升一日服盡無時圖經云桑枝平不冷不熱可以常服療體中風痺乾燥脚氣風氣四肢拘攣上氣眼暈肺氣嗽消食利小便久服輕身聰明耳目令人光澤兼療口乾仙經云一切仙藥不得桑煎不服出抱朴子政和間予嘗病兩臂痛服諸藥不效依此作數劑臂痛甚愈治目方用黃連多矣而羊肝圓尤奇異用黃連末一兩

白羊子肝一具去膜同於砂盆內研令極細衆手為圓如梧子大每服以溫水下三十圓連作五劑但是諸眼目疾及障翳青目皆治忌猪肉冷水唐崔承元者因官治一死囚出活之囚後數年以病自致死一旦崔為內障所苦喪明逾年後半夜嘆息獨坐忽聞階除悲窅之聲崔問為誰徐曰是昔蒙活者囚今故報恩至此遂以此方告之言訖而沒崔依此合服不數月眼復明

江左常有商人左膊上有瘡如人面亦無他苦商人戲

滴酒口中其面亦赤色以物食之亦能食食多則覺臍
內肉脹起或不食之則一臂痺有善鑿者教其歷試諸
藥不論草木之類悉試之無苦至貝母其瘡乃聚眉閉
口商人喜曰此瘡可治也因以小葦筒毀其口以藥灌
之數日成痂遂愈然不知何疾也

唐鄭相公予為海南節度七十有五越地卑濕傷於內
外衆疾俱作陽氣衰絕乳石補益之藥一日端不應元
和七年有訶陵國舶主李摩訶獻此方經七八日而覺

應驗自後常服其功神驗十年二月罷郡歸京錄方傳之其方用破故紙十兩揀洗為末用胡桃肉去皮二十兩研如泥即入前末更以好蜜煉和勻如飴盛瓷器中旦日以溫酒化藥一匙服之不飲酒溫熟水化下彌久則延年益氣悅心明目補添筋骨但禁食芸薹羊血番人呼為補骨脂圓

江陵府節度使進稀簽方元臣有弟訢年三十一中風床枕五年百醫不差有道人鍾針者因覩此患曰可餌

稀莨圓必愈其藥久生沃壤五月間收洗去土摘其葉
及枝頭九蒸九曬不必大燥但取蒸為度杵為末煉蜜
丸如桐子大空心溫酒或米飲下二十九至三十九所
患忽加不必憂至四十丸必復如故五十丸當復丁壯
奉宣府鑿院詳錄又知益州張詠進表云臣因換龍興
觀掘得一碑內說修養氣術并藥方二件依方差人訪
問採覓其草頗有異金稜紫線素根紫菱對節而生蜀
號火炊莖葉頗同蒼耳誰知至賤之中乃有殊常之效

臣自喫至百服眼目清明後至千服髭鬚烏黑筋力校健矣效驗多端臣本州有都押衙羅守一曾因中風墜馬失音不語臣與十服其病立痊又和尚智嚴年七十患偏風口眼喎斜時時吐涎臣與十服亦便差今合一百劑差職員史元素進

唐柳柳州纂救三死方云元和十二年二月得腳氣夜半痞絕腹有塊大如石且死困塞不知人三日家人號哭榮陽鄭洵美傳杉木湯服半食頃大下三次氣通塊

散用杉木節一大升桔葉一升無葉以皮代之大腹櫛
榔七箇合子碎之童子小便三大升共煮之一升半分
二服若一服得決利停後服以前三死皆死矣會有教
者皆得不死恐他人不幸有類予病故傳焉

崔給事頃在澤潞與李抱真作判官李相方以毬杖按
毬子其軍將以杖相格承勢不能止因傷李相拇指并
爪甲劈裂遂索金瘡藥裹之強坐頻索酒飲至數杯已
過量而面色愈青忍痛不止有軍吏言取葱新折者便

入塘灰火煨蒸熟剥皮劈開其間有涕取瘡損處仍多
煨取續續易熟者凡三易之面色却赤斯須云已不痛
凡十數度易用熟葱併涕裹纏遂畢席笑語

驢尿治反胃外臺載昔幼年曾患此疾每食餅及羹粥
等須臾吐出貞觀中許奉御兄弟及柴將等時稱多鑿
奉敕令治罄竭其術竟不能治漸至羸憊死在朝夕忽
有一衛士云服驢小便極驗日服二合後食惟吐一半
晡時又服二合人定時食粥吐即便定迄至今日午時

奏知大內中五六人患反胃同服一時俱差此藥稍有
毒服時不可過多盛取及熱服二合病深七日以來服
之良驗

葛洪云鬼症者是五尸之一症又挾諸鬼邪為害其病
變動乃有三十六種至九十九種大約使人寒熱淋漓
沉沉默默不的知所苦無處不惡累年積月漸就沉滯
以至於死傳與傍人乃至滅門覺如是候者急治獺肝
一具陰乾杵末水服方寸七日三未知再作肘後云此

方神良宣和間天慶觀一法師行考訟極精嚴時一婦人投狀述患人為祟所附須臾召至附語云非我為禍別是一鬼亦因病人命衰為祟耳渠今已成形在患人肺中為蟲食其肺系故令吐血聲嘶師掠之云此蟲還有畏忌否久而無語再掠之良久云容某說惟畏獺爪屑為末以酒服之則去疾患家如其言得愈此乃予目所見也究其患亦相似獺爪者殆獺肝之類歟

類證普濟本事方卷七

欽定四庫全書

類證普濟本事方卷八

宋 許叔微 撰

傷寒時疫

治太陽中風陽脈浮陰脈弱發熱汗出惡寒鼻鳴乾嘔

桂枝湯

今傷風古方謂之中風

桂枝

芍藥

各一兩半

甘草

一兩炙

右粗末炒五錢水一盞半生薑三片棗一枚同煎至七分去滓溫服若二三月病溫宜陽且湯

治太陽病頭痛發熱身疼惡風無汗而喘

麻黃湯

麻黃

去節百沸湯煮去黃汁焙乾一兩半

桂枝

一兩甘草半兩

右粗末每服五錢水盞半煎八分溫服加減法並依活人書仲景論傷寒一則桂枝治中風二則麻黃治傷寒三則青龍治中風見寒脈傷寒見風脈三者如鼎立人皆能言之而不曉前人處方用藥之意故多不用也且脈浮而緩者中風也故嗇嗇惡寒淅淅惡風翕翕發熱

仲景以桂枝對之浮緊而濇者傷寒也故頭痛發熱身疼腰痛骨節疼痛惡風無汗而喘仲景以麻黃對之至於中風脈浮緊傷寒脈浮緩仲景皆以青龍對之何也予常深究三者若證候與脈相對用之無不應手而愈何以言之風傷衛之氣也寒傷榮之血也榮行脈中衛行脈外風傷衛則風邪干陽氣陽氣未固發越而為汗是以自汗而表虛故仲景用桂枝以發其邪芍藥以治其血蓋中風則病在脈之外其病

稍輕雖同日發汗特解肌之藥耳故仲景於桂枝證云令半身熱熱微似有汗者佳不可如水淋漓病必不除是知中風不可大發汗汗過則反動榮血邪氣乘虛而襲之故病不除也寒傷榮則寒邪入陰血而榮行脈中者也寒邪居脈中非特榮受病邪自內作則併與衛氣犯之久則浸淫及骨是以汗不出而熱齒乾以煩冤仲景以麻黃發其汗又以桂枝甘草助其發散以滌除內外之邪榮衛之病爾大抵二藥皆

發汗而桂枝則發其衛之邪麻黃併榮衛治之亦自有深淺也何以驗之仲景桂枝第十九證云病常自汗出者此為榮氣和氣和者外不諧以衛氣不共榮氣諧和故爾榮行脈中衛行脈外復發其汗榮衛和則愈宜桂枝湯又第四十七證云發熱汗出者此為榮弱衛強故使汗出欲救邪風宜桂枝湯是知中風汗出者榮和而衛不和又第一卷云寸口脈浮而緊浮者為風緊者為寒風則傷衛寒則傷榮榮衛俱病

骨節煩疼當發其汗是知傷寒脈浮緊者榮衛俱病也麻黃湯中併用桂枝此仲景之意也至於青龍雖治傷風見寒脈傷寒見風脈之病然仲景云汗出惡風者不可服之服之厥逆便有筋惕肉瞤之證故青龍一證尤難用須是形證諦當然後可行故王實大
夫證治上用桂枝麻黃各半湯慎之也

桂枝加附子湯

前方桂枝湯內附子半兩如前入薑棗同煎

有一士人得太陽病因發汗汗不止惡風小便澁足
攣曲而不伸予診其脈浮而大浮為風大為虛予曰
在仲景方中有兩證大同而小異一則小便難一則
小便數用藥稍差有千里之失仲景第七證云太陽
病發汗遂漏不止其人惡風小便難四肢微急難以
屈伸者桂枝加附子第十六證云傷寒脈浮自汗出
小便數心煩微惡寒脚攣急反以桂枝湯以攻其表
此誤也閑之便厥咽中乾煩燥吐逆一則漏風小便

難一則有汗小便數或惡風或惡寒病各不同也予
用第七證桂枝加附子湯三服而汗止佐以甘草芍
藥湯足便得伸其第十六證治法見本方

桂枝加厚樸杏子湯

桂枝

去皮

芍藥

各一兩

甘草

六錢三字

厚樸

六錢三字

杏仁

三錢去尖

右剉如麻豆大炒五大錢水一盞半生薑五片肥棗
二枚劈破同煎至八分溫服覆取微汗

戊申正月有一武臣為寇所執置舟中艣板下數日
得脫乘饑恣食良久解衣捫虱次日遂作傷寒自汗
而渴不利一鑿作傷寒而下之一鑿作解衣中邪而
汗之雜治數日漸覺昏困上喘息高鑿者愴惶失措
予診之曰太陽病下之表未解微喘者桂枝加厚樸
杏仁湯此仲景之法也指令鑿者急治藥一啜喘定
再啜熱熱微汗至晚身涼而脈已和矣鑿曰某平生
不曾用仲景方不知其神捷如是予曰仲景之法豈

誑後人也哉人自寡學無以發明耳

大柴胡湯

柴胡

二兩

黃芩

芍藥

各三分

半夏

六錢二字

枳實

二枚炒

大黃

半兩伊尹湯液論大柴胡同薑棗共八味今監本無脫之也

右粗末抄五錢水一盞半薑五片肥棗一枚煎至八分去滓溫服以利為度未利又服

常記有人病傷寒心燥喜嘔後來寒熱證以小柴胡與之不除予曰脈洪大而實熱結在裏小柴胡安能

去之仲景云傷寒十餘日熱結裏復往來寒熱者與
大柴胡湯三服而病除大黃蕩滌蘊熱傷寒中要藥
王叔和云若不用大黃忍不名大柴胡須是酒洗生
用為有力昔後周姚僧坦名鑿也帝因發熱欲服大
黃藥僧坦曰大黃乃是快藥至尊年高不宜輕用帝
不從服之遂至不起及元帝有疾諸鑿皆謂至尊至
貴不可輕脫宜用平藥僧坦曰脈洪而實必有宿食
不用大黃必無差理元帝從之果下宿食乃愈合用

與不用必心中明得諦當然後可又記有人患傷寒
身熱目痛鼻乾不得卧大便不通尺寸脈俱大已數
日一夕汗出于謂速以大柴胡下之鑿駭曰陽明自
汗津液已滿法當行蠶矢何苦須用大黃藥予謂曰
子只知抱穩若用大柴胡此仲景不傳之妙公安能
知之予力爭竟用大柴胡二服而愈仲景論陽明之
病多汗者急下之人多謂已是自汗若更下之豈不
表裏俱虛又如論少陰云少陰病一二日口乾燥者

急下之人多論病發於陰得之日淺但見乾燥若更下之豈不陰氣愈盛舉斯二者則其他疑惑處不可勝數此仲景之書世人罕讀也予以謂不然仲景稱急下之者亦猶急當救表急當救裏凡稱急者有三處謂纔覺汗多未至津液乾燥便速下之則為徑捷免致用蜜兌也若胸中識得了了方可無疑若未能了了悞用之反不若蜜兌之為穩也

又記一鄉人傷寒身熱大便不通煩渴鬱冒鑿者用

巴豆藥下之乃得溏利病宛然如舊予視之陽明熱結在裏非大柴胡承氣等不可巴豆止去積安能蕩滌邪熱蘊毒耶並進大柴胡等三服得汗而解常謂仲景百十三方為凡者有五理中陷胸抵黨烏梅麻仁是以理方陷胸抵黨皆用大彈子煮化而服與湯散無異至于麻仁治脾約烏梅治濕蠱皆用小丸以達下部其他逐邪毒破堅癖道闊血潤燥屎之類皆憑湯劑未聞用巴豆小圓藥以下邪氣也既下而病

不除不免重以大黃樸硝下之安能無損也哉

治濕溫多汗

白虎加蒼朮湯

知母

六兩

甘草

炙二兩

石膏

一觔

蒼朮

三兩

粳米

三兩

右剉如麻豆大每服四大錢水一盞半煎至八分去

滓取六分清汁溫服

癸丑年故人王

闕

季夏得疾胸項多

汗而足逆冷語鑿者不曉雜進藥已經旬日子診

之其脈關前濡關後數予曰當作濕溫治蓋先受暑
後受濕暑濕相搏是名濕溫先以白虎加人參湯次
以白虎加蒼朮湯頭痛漸退足漸溫汗漸止三日愈
此病名賊邪也誤用藥有死之理有鑒難曰何名賊
邪予曰難經論五邪有實邪虛邪正邪微邪賊邪從
後來者為虛邪從前來者為實邪從所不勝者為賊
邪從所勝者為微邪自病者為正邪又曰假令心病
中暑為正邪中濕得之為賊邪令心先受暑而濕邪

勝之水尅火從所不勝斯謂之賊邪五邪之中最逆也難經又云濕溫之脈陽濡而弱陰小而急濡弱見於陽部濕氣搏暑也小急見於陰部暑氣蒸濕也故經曰暑濕相搏名曰濕溫是謂賊邪也不特此也予素有停飲之疾每至暑月兩足汗褰褸未嘗乾每服此藥二三盞即便愈

黃耆建中加當歸湯

黃耆

當歸

各一兩半

白芍藥

三兩

桂

一兩一分

甘草

一兩

右粗末每服五錢生薑三片棗一枚水一盞半同煎至八分去滓取七分清汁日三服夜二服尺脈尚遲再作一劑

昔有鄉人邱生者病傷寒予為軫視發熱頭疼煩渴脈雖浮數而無力尺以下遲而弱予曰雖麻黃證而尺遲弱仲景云尺中遲者榮氣不足血氣微少未可發汗予於建中湯加當歸黃耆令飲翌日脈尚爾其

家煎迫日夜督發汗藥去幾不遜矣予忍之但只用
建中調榮而已至五日尺部方應遂投麻黃湯啜第
二服發狂須臾稍定略睡已中汗矣信知此事是難
是難仲景雖云不避晨夜即宜便治鑒者亦須顧其
表裏虛實待其時日若不循次第暫時得安虧損五
臟以促壽限何足貴也南史記范雲初為陳武帝屬
官武帝有九錫之命在旦夕矣雲忽感傷寒之疾恐
不得與慶事召徐文伯診視以實懇之曰可便得愈

乎文伯曰便差甚易只恐二年後不復起耳雲曰朝聞道夕死猶可況二年乎文伯以火燒地布楮葉設席置雲於上頃刻汗解裏以溫粉翌日愈雲甚喜文伯曰不足喜也後二年果卒夫取汗先期尚促壽限況不顧表裏不待時日便欲速效乎每見病家不耐病未三四日晝夜促汗鑿者隨情順意鮮不敗事故予書此為鑿者之戒

蜜兌法

必用方中製度甚詳

有一士人家病二人皆旬日矣一則身熱發汗大便不通小便如經神昏如睡診其脈長而大虛子用承氣湯下之而愈一則陽明自汗大便不通小便利津少口乾燥其脈亦大而虛子作蜜兌三易之下燥屎得澹利而解其家問曰皆陽明大便不通何治之異予曰二陽雖相似然自汗小便利者不可蕩滌五臟為無津液也然則傷寒大證相似與證稍有不可要

在變通仔細斟酌正如格局看命維年月日時皆同而貴賤窮通不相侔者於一時之中又有淺深故此不可不謹

治陰中伏陽

破陰丹

硫黃 水銀

各一兩

陳皮

青皮

去白各半兩末

右先將硫黃銚子內鎔次下水銀用鐵杖子打勻令無星傾入黑茶盞內研細入二味勻研用厚麩糊圓如桐

子大每服三十圓如煩燥冷鹽湯下陰證令艾湯下
頃年鄉人李信道得疾六脈沉不見深按至骨則弱
緊有力頭疼身溫煩燥指末背冷中滿惡心更兩鑿
矣鑿者不識止供調氣藥予因診視曰此陰中伏陽
也仲景法中無此證世人患此者多若用熱藥以助
之則為陰邪隔絕不能導引真陽返生客熱用冷藥
則所伏真火愈見消鑿須用破散陰氣導達真火之
藥使火升水降然後得汗而解予授此藥二百粒作

一服冷鹽湯下不半時煩燥狂熱手足燥擾其家大驚予曰俗所謂換陽也須臾稍定略睡已中汗自昏達旦方止身涼而病除

治婦人室女傷寒發熱或發寒熱經水適來或適斷晝則明了夜則諍語如見鬼狀亦治產後惡露方來忽爾斷絕小柴胡加地黃湯

柴胡

一分兩

人參

半夏

湯洗七次

黃芩

甘草

生地黃

各半兩

右粗末每用五錢水二盞生薑五片棗二枚同煎至
八分去滓溫服

辛亥中寓居毘陵學官王仲禮其妹病傷寒發寒熱
遇夜則如有鬼物所憑六七日忽昏塞涎响如引鋸
牙關緊急瞑目不知人疾熱極危召予視予曰得病
之初曾值月經來否其家云月經方來病作而經遂
止得一二日發寒熱晝雖靜夜則有鬼祟從昨日來
涎生不省人事予曰此熱入血室證也仲景云婦人

中風發熱惡寒月經適來晝則明了暮則譫語如見鬼狀發作有時此名熱入血室鑿者不曉以剛劑與之遂致胸膈不利涎潮上管喘急息高昏冒不知人先當化其涎後當除其熱予急以一呷散投之兩時須涎下得睡省人事次授以小柴胡加地黃湯三服而熱陰不汗而自解矣

又記一婦人患熱入血室證鑿者不識用補血調氣藥亟養數日遂成血結胸或勸用前藥予曰小柴胡

用已遲不可行也無已則有一焉刺期門穴斯可矣
予不能針請善針者而治之如言而愈或者問曰熱
入血室何為而成結胸也予曰邪氣傳入經絡與正
氣相搏上下流行或遇經水適來適斷邪氣乘虛而
入血室血為邪迫上入肝經肝受邪則譫言而見鬼
復入胆中則血結於胸也何以言之婦人平居水當
養於木血當養於肝也方未受孕則下行之以為月
既妊娠則中畜之以養胎及已產則上壅之以為乳

皆血也今邪逐血併歸肝經聚於膽中結於乳下故
手觸之則痛非湯劑可及故當刺期門也活人海蛤
散治結胸今具於後

婦人傷寒血結胸膈揉而痛不可撫近

海蛤散

海蛤

滑石

甘草

各一兩

芒硝

半兩

右為末每服二錢雞子清調下

小腸通利則胸膈血散膽中血聚則小腸壅小腸壅膽中

血不流行宜此方小便血數行更宜桂枝紅花湯發其汗
則愈活人書云此方疑非仲景然其言須有理姑存之
治太陽病汗過不解頭眩筋惕肉瞤

真武湯

茯苓

芍藥

各三分

附子

一枚

白朮

半兩加減
法從本方

右粗末抄五錢生薑五片水一盞半煎八分去滓溫
服日三服

鄉里有姓京者以鬻純為業子年三十初得病身微

汗脈弱惡風鑿以麻黃藥與之汗遂不止發熱心多驚悸夜不得眠譫語不識人筋惕肉瞤振振動搖鑿者又進驚風藥予曰強汗之過也仲景云脈微弱汗出惡風不可服青龍湯服之則筋惕肉瞤此為逆也惟真武湯可救進此三服優似清心圓竹葉湯數日遂愈

白虎加人參湯

方在活人書第六十五證

有人病初嘔吐俄為鑿者下之已七八日而內外發熱予診之曰當用白虎加人參湯或曰既吐復下且重虛矣白虎可用乎予曰仲景云若吐下後七八日不解熱結在裏表裏俱熱者白虎加人參湯此正相當也蓋始吐者熱在胃腕而脈至今虛虛大三投湯而愈仲景既稱傷寒若吐下後七八日不解熱結在裏表裏俱熱者白虎加人參湯主之又云傷寒脈浮發熱無汗其表不解不可與白虎湯又云脈浮滑此

以表有熱裏有寒白虎湯主之國朝林億校正謂仲
景於此表裏自差矣予謂不然大抵白虎能除傷寒
中暍表裏發熱故後二證或云表裏俱熱或云表熱
裏寒皆可服之中有一種脈浮無汗其表不解全是
麻黃與葛根證安可用白虎也林但見所稱表裏不
同便謂之差悞是亦不思之過也

治傷寒汗後吃噫

肉苳蔻湯

肉苳蔻一箇 石連肉炒 茴香各一分 丁香半 人參半兩

枇杷葉五片拭去毛炙

右剉細末用水四盞薑十片煎二盞去滓空心溫分二服

良薑湯

桔皮 良薑 桂枝 當歸各一分

麻黃半兩 杏仁二十箇 甘草一分 檳榔三箇別末

右粗末用水四盞薑十片棗三枚同煎至二分去滓下檳榔末更煎三沸通口服一盞未已再作一盞龐

老云傷寒吃噫不止是陰陽氣升降欲作汗升之不
止故胃氣上逆為吃噫無休止宜此方

又方

枳殼

半兩

木香

一錢

右細末每服一錢白湯調下未知再與

治傷寒衄血

滑石湯

滑石末不以多少飯圓如桐子大每服十圓微嚼破新

水嚥下立止只用藥末一大錢飯少許同嚼下亦得
湯晦叔云鼻衄者當汗不汗所致其血青黑時不以
多少乃得止且溫服和藥以調其榮衛纔見血鮮急
以此藥止之

桂枝湯方在前

有人病發熱惡寒自汗脈浮而微弱三服湯而愈此
方在仲景一百十三方內獨冠其首今人全不用何
哉仲景云太陽中風陽浮而陰弱陽浮者熱自發陰

弱者汗自出晝晝惡風淅淅惡寒翕翕發熱宜桂枝湯此脈與證仲景說得甚分明止是人看不透所以不敢用仲景云假令寸口脈微名曰陽不足陰氣上入陽中則灑淅惡寒也尺脈弱名曰陰不足陽氣下陷入陰中則發熱也此謂元受病不然也又曰陽微則惡寒陰弱則發熱證發其汗使陽氣微又大下之令陰氣弱此謂證所病而然也大抵陰不足陽往從之故內陷而發熱陽不足陰往乘之故陰上入陽中

則惡寒舉此二端明白如何憚而不行桂枝哉

治胃中有熱有濕有宿穀相搏發黃

茵陳蒿湯

茵陳蒿

嫩者一兩半

大黃

三分
梔子十枚

右粗末每服一錢水盞半煎八分調五苓散二錢服以知為度

治頭中寒濕發黃疸

瓜蒂散

瓜蒂

二七箇

赤小豆

秫米

各二七粒

右細末如大豆一枚納鼻中縮令入當出黃水慎不可吹入
庚戌年避地維揚界有一家病傷寒七八日身體洞
黃鼻目皆病兩髀及項頭腰脊強急大便澀小便如
金子曰脈緊且數脾元受濕暑熱蘊蓄於太陽之經
宿穀相搏鬱蒸而不得散故使頭面有汗至頸以下
無之若鼻中氣冷寸口近掌無脈則不療急用茵陳
湯調調五苓散與之數服差

又記一家病身體痛面黃喘滿頭痛自能飲食大小

便如常予診之脈大而虛鼻塞且煩予曰非濕熱宿穀相搏此乃頭中寒濕茵陳五苓不可行也仲景云濕家病身疼痛發熱而黃而喘頭痛鼻塞而煩其脈大能自飲食中和無病病在頭中寒濕故鼻塞納藥鼻中則愈仲景死藥方此方見外臺刪繁證云治天行熱蓋通貫臟腑沉鼓骨髓之間或為黃疸宜瓜蒂散蓋此方也

又記一舟稍病傷寒發黃鼻中酸痛身與目如金小

便赤而數大便如經或者欲行茵陳五苓予曰非其
治也小便和大便如常知病不在臟腑今眼睛疼鼻
頰痛是病在清道中清道者華蓋肺之經也若下大
黃則必腹脹為逆亦用瓜蒂散先食水次搗鼻中黃
水盡乃愈

類證普濟本事方卷八